



Statens vegvesen

ALVER KOMMUNE
Postboks 4
5906 FREKHAUG

Behandlande eining:
Transport og samfunn

Sakshandsamar/telefon:
Ingelin Garen / 55516345

Vår referanse:
20/166390-2

Dykkar referanse:

Vår dato:
22.10.2020

Uttale til oppstart av planarbeid med høyring og offentleg ettersyn av framlegg til planprogram – kommunedelplan – Helse, sosial og omsorg – Alver kommune

Vi viser til melding om oppstart av arbeid med kommunedelplan for Helse, sosial og omsorg og framlegg til planprogram som er sendt oss på høyring 11.09.2020.

Statens vegvesen har ansvar for å sjå etter at føringane i Nasjonal transportplan (NTP), statlege planretningslinjer for samordna bustad-, areal og transportplanlegging, vegnormalane og andre nasjonale og regionale arealpolitiske føringar vert ivaretekne i planlegginga. Vi uttalar oss som forvaltar av riksveg på vegne av staten og som statleg fagstyresmakt med sektoransvar på transportområdet.

Alver kommune skriv i sitt høyringsbrev at Kommunedelplan for helse, sosial og omsorg er prioritert i planstrategi for Alver 2020–2024, og planen vil utdjupe føringar frå samfunnsdelen samstundes som den synleggjer rammer, behov og utviklingstrekk for fagområdet og denne sentrale delen av kommunen si verksemd. Den vil vere ein del av styringsverktøya til kommunen i planperioden 2021–2033.

Planprogrammet er ei oversikt over gjennomføringa av planarbeidet. Programmet visar korleis kommunen ønskjer å arbeide med kommunedelplanen, kva tema ein ønskjer å fokusere på, korleis ein vil søkje å involvere innbyggjarar til medverknad og få råd og innspel til ønska samfunnsutvikling. Grunnlaget for planprogrammet delar og kunnskap om dei mest sentrale utviklingstrekk til kommunen.

Planprogrammet for Kommuneplanens samfunnsdel var på høyring tidlegare i haust. Her vart det skildra utviklingstrekk og framlegg til tema for samfunnsdelen. Dette vil vere ein del av rammeverket for kommunedelplanane. Med utgangspunkt i mål og strategiar i

Postadresse
Statens vegvesen
Transport og samfunn
Postboks 1010 Nordre Ål
2605 LILLEHAMMER

Telefon: 22 07 30 00
firmapost@vegvesen.no
Org.nr: 971032081

Kontoradresse
Nygårdsgaten 112
5008 BERGEN

Fakturaadresse
Statens vegvesen
Regnskap
Postboks 702
9815 Vadsø

Samfunnsdelen skal mål for helse- og omsorgssektoren konkretiserast og strategiar definerast for korleis sektoren konkret skal arbeide for å nå desse måla.

Alver kommune peiker på døme på tema, tilhøve som bør vurderast og som eventuelt kan takast inn i planarbeidet:

- Demografi – befolkningsutvikling og flyttemønster
- Fellesskap/aktivitet/aktiv omsorg
- Sosial berekraft
- Skildre lovpålagte oppgåver, bidra til prioritering av knappe ressursar
- Heilskaplege tenester
- Samarbeid og samhandling internt og eksternt
- Omstillings- og endringskompetanse, forbetningsarbeid

Av vedtaket om oppstart (HO- 026/20) går det fram at "Bustadpolitiske spørsmål" er fjerna som eit aktuelt underpunkt.

I vår uttale til Kommuneplanens Samfunnsdel peikte vi på at vi ser det som viktig at kommunen tek aktivt stilling til korleis ein skal arbeide for å styre veksten i folketala til dei rette områda. Slik Statens vegvesen vurderer det representerer ein gjennomtenkt bustadpolitikk også eit sentralt premis for arbeidet med å få etablert gode heilskaplege tenester innanfor Helse, sosial og omsorg i kommunen. Store avstandar medfører meir bilbruk og kan vere til hinder for at den enkelte brukar vert gitt eit verdig tenestetilbod. Det er viktig at koplinga mellom folkehelse og transport vert vurdert i arbeidet med kommunedelplanen.

Vi ønskjer lukke til med det vidare arbeidet

Transport vest, Transportforvaltning
Med helsing

Sindre Lillebø
seksjonsleiar

Ingelin Garen
senioringeniør

Dokumentet er godkjent elektronisk og har difor ingen handskrivne signaturar.

Kopi
FYLKESMANNEN I VESTLAND, Njøsavegen 2, 6863 LEIKANGER
VESTLAND FYLKESKOMMUNE, Postboks 7900, 5020 BERGEN